

祭家庙文

于戏先王虑人伦之陆沉也遂因其所生之区赐之姓两使知有别先王恐人群之瓦解也更因其所锡之土命为族而使知所盖氏族虽得自先人而爱敬则由于后起数虽甚多而始于一祭虽不一两惟其诚先祖是皇一之谓也孝思不匮诚之至也故郊坛有制王期乾隆先配之文抑宗祐荐馨土庶重后生之报耳系维我冯氏郡本始平系由姬姓源流当溯别派则始于毕公本支克昌食采遂封于冯国因国寓去邑为冯清德世传人代有涓公杜门以不称制而称帝拯公执政兼能主文而主兵符南蛇首事猖獗堦公则画策遂平王安石不善更张京公则上疏直斥慈明秉精忠不悦李密优渥之礼智舒著质实克步朱熹纲目之尘胜牛渚走象阵炳炳奇勲陈九事知三义堂堂伟论不仕却羔币之聘良公则隐卧南阳论将触龙颜之惭唐公亦声闻西汉信公与任永同流託青盲以傲世道公慕燕山善教假丹桂以呈词立大树者异公其人攀龙奏破贼之绩弹长鏃者欢公作容狡兔逞凿窟之能怀公且官至太常嵩公

亦职掌太守忠贞不替仆母则封为太夫人忠义是伸河清则诏以节度使伟伯典诸侯尚书锡宠奉世破羌虜关内封侯迁公膺督护之荣诞公负参军之重或执法相绳御史足羨或为政从简刺史堪夸或为大夫于郑国而断事独得其详或为兵部于隋文而宣慰端赖能谏知文臣武职治绩早播于当年即志士名儒品格可失于后世此皆考之国史不尽载谱家乘者也至我鼻祖楚发公始居南昌继迁南楚瓜绵椒衍棋布星罗若子若孙一人一艺或焚膏继晷不坠世德之清芬或荷笠犁云克服先畴之陇亩或妙手灵心箕裘克绍或牵车服贾孝养堪称昔念先人数典岂能忘祖施于孙子祭祀何可不诚是则合族之致其明禋实曾孙之义不容缓者矣兹者时当冬孟节号阳春菊老边篱梅开岭上露濡霜肃弥增模怆之怀行潦横汗用事蒸祭之典左宜昭右宜穆井井有条爰如见恂如闻洋洋如在此日少长咸集莫不在宫雍雍他时灵爽式凭常祈降福简简谨告

二十四世裔孙振亚维藩氏沐手肃撰